



茶坪詩鈔卷三

武進 徐永宣 學人

白華集

丙子秋杪運舟東歸旅愁鄉思雜還於懷觸目
即書詞無倫次以蘇詩人似秋鴻來有信事如
春夢了無痕為韻凡十四首

涼風起城闈送此坎廩人朝離長安道暮宿潞水濱貨
馬謝軟土買舟碾濕銀書籤滿歸橐錯雜如魚鱗霜蓬
壓短檠古意冉冉親回首西向笑得失何足論

江南暮春時雜花紛旖旎無端賦北征拜母辭故里秋
槐賺人忙所料竟何似問寢久已疎徒聽雞鳴耳誰無

寸草心嗟我愧萊子

長路恨絲渺况復當杪秋荻花映楓葉牽我江南愁素
娥鬪青女寒氣侵衾裯客子不耐冷又苦無衣裘西風
故欺人一夜聲颼颼

窺牕吐新月燒燭聞晚鴻晚鴻塞上至逐影飛江東新
月照鍛羽悵望孤蓬中箬帆十二幅峭赴西北風形如
乍開扇勢若全張弓瞥眼過齊魯旋指一畝宮東籬菊
綻黃南浦楓搖紅秋茶待歸客煮之配青菘

我愛彭澤老識時賦歸來又愛南陽廬藏器不自媒如
何千載後邈焉罕其才名利固溺人素衣自生埃儻能
安義命胡為逐喧阗斜陽萬頃紅望古長徘徊

平生讀書志愛與古人友只今返釣磯寧復風塵走一
室春盎然何嫌小如斗詠歌先王風彈琴而鼓缶以勗
斯邁征袪彼外物誘區區噉名情一呎夫何有

京華風裏花開謝疾於薜落槐委牆陰但有衰草襯放
舟泊津門急為黃花訊張郎念途窮逸峰前路戒勿趁况
遇盍簪賢秋英飽饒隣黃鬪查兄眉德尹白耀姜丈鬚西溟

置身范村中毋哂客信信

詩人刺津吏饒與虎無異百口仰一官得不獵貨利行
李匿朝衫遠自間道避薄宦多怨嗟貧賈尤涕泗皇天
仁愛人毋乃乖撫字紛紛冠蓋徒忽此為細事

晚世重墓祭乃在陽月初家家上隴頭翦紙又潔蔬而

我獨何為洮

湖名賜瑩所在

天漢如扶服只阿兄勿克偕埽除

多因輕遠游罪戾負海陸松楸怵霜露眇眇頻愁予

亂楓殷似火碧水平生鄰陽和入蓬牕始覺值小春蕭

蕭一葉舟兀兀一病身風光爾許佳不稱多愁人

愁來渾無端如被薄寒中豈若昌黎窮可以作文送庶

幾讀離騷瘞雲破愁夢方干有同懷飲酒寧辭痛

與靈臯讀楚辭

秋日苦易斜秋夜苦難曉客舟布楸枰黑白邊角擾當

局多自迷旁觀絕了了爭先在一著所失乃匪小重瞳

走烏江矧彼湘東眇興亡類如斯袖手心悄悄

看靈臯東委對弈

崔君別我久昨聞患小瘡

京師聞信夫病

此時諒勿藥所念形體

癯恨無長風吹即日遊江都握手問無恙慰我懷區區

兼訊南陽人曾過蕪城無

欲問無黨公車消息

近聞大河決水勢當奔渾秋深謀築堤或可復舊痕行

行渡大河望望歸江村江村指日到慈母慰倚門定省

隨阿兄調饌綿朝昏養親兼讀書愛此秋樹根

運艘多鼠乃不食書為賦一絕句

作伴還鄉數卷書多愁腐鼠噬殘渠豈知飽啖倉腴慣

那肯鑽研似蠹魚

贈于何功四首

斷指男兒祝髮翁太平無夢叶非熊投竿腰脚應長健

鉏菜情懷不道窮舊恨那禁芳草碧新愁又觸野花紅

谷音何限傷心句銷向江城暮雨中

西泠舊事半模糊訪友勾留裏外湖春色三分傷杜牧
寒泉一盞弔林逋紫魚吹浪流遺恨鷓鴣鳴阡賸畫圖
遙憶蘇堤袍樣綠斷腸細柳夾新蒲

曾記春帆綠水時更深軟語燭花遲聽殘鶴唳嗟魂返
驚醒雞鳴耿夢思擊竹有歌聲斷絕畫蘭無畹影離披
若教顏色如長好但進青精酒一卮

兀居城市厭羶腥漁父湘江愛獨醒骨瘦故疑餐晚菊
詩清欲比汲中泠霜凌梅萼將舒白雪壓松枝不減青
牆角珠紅南燭子也應喚作歲寒星

歲暮雜感次錢湘靈先生韻五首

簾外同雲釀雪天野麇滋冷作豐年庭除風翠筠千尺

懷袖霜紅橘一員定性有書慚末學降心無法愧初禪
空山歲晏荒寒甚詠小游仙傲散仙

擁書連屋幾春秋奉母閒居罷遠游繡佛燈明花影外
溫經月上竹梢頭茶翻松韻頻煎罐簾護香光不掛鈎

金粟詩人玉山伴憶梅書札下蘇州

訂俠君探
梅鄧尉

弄晴柏葉翠娑娑荏苒韶華奈駛何亂采鶯花藏比興
略綜人物括山河飯牛歌鳳同飄梗炙手張羅類轉科

用樂
天語

螢火露珠終幻影未須太息劫塵多

瓦溝融雪迓晴春細菜辛盤一番新泥竈市肝調藥手
力葵負米讀書身熱官守貴工充耳群瞽論文易反脣
靜夜沉吟三喟歎寒燈花放喜回嗔

蓬門株守負懸弧水竹幽居稱野夫蠻觸總拋春夢外
澹交憑入歲寒圖平磯鴨綠長絲釣膩盞鵝黃小市沽
驗取東風傾倒處梅梢先到一痕無

春雨

澤國深春日江城細雨天暖抽豐麥葉寒入遠林煙野
篠偷膏茁山茶倚沐妍罨空多似綫點水小於錢豈爲
梅生妒從教杏惹憐泥融村店外草迸竹牕前樹杪鶯
愁坐簾空燕語穿雲容濃勝墨風色軟逾綿枝重棲巢
鳥曾兜上水鮮未容花一笑儘放柳三眠霹靂侵書案
惺忪打釣船關山魂欲斷旅舍夢難圓做暝巫峰畔添
愁湘館邊暗催青載路勻染綠平川佳日拋無分芳游

惜少緣靜看苔蘚碧幽興轉條然

鶯

漏斷千門曉牕虛百轉闌滑穿榴葉了澀帶棟花寒坐
睡明金羽飛聲脫彈丸倚誰知本意裊裊哭春殘

燕

旋舞村村入遙喧兩兩兼翦波衝雨暗得草逆風尖碎
語通粧閣斜飛撲酒帘泥巢雛望哺休早下湘簾

竹夫人和董叔魚

絺帳桃笙置小軒青奴清節我思存空牀聘上侵冰骨
暑夜橫陳弄月痕苦憶迎湘猶漬淚似慙亡息竟無言
別愁自分隨團扇同向秋風怨少恩

曹三蘿小舟名撥雲蓋取青蓮撥雲尋古道之
義也屬和二首

妙領青蓮意扁舟署撥雲篙迴星影碎櫓剪月波分鷺
導衝涼霧魚沉繫夕曛蘭亭摹定武曾否換鵝羣
溪北即青山相望一水間憑君垂釣艇載我款花關書
畫煙波靜蛟龍窟夢閒笑他思曼屋未解泊漁灣

叔魚病迫鬻東坡詩取藥枉詩見示次韻奉酬
兼廣其意

將詩換藥倩東坡脫口新詩寄慨多半翦酸風愁燕子
一籬香雨泣蠶婆門才雅麗凌王謝風貌支離遜阮何
會得神完中有恃青芝赤箭擲江波

五日席上戲咏

繭虎

蠶館於菟小欠伸較他繡畫更翻新釵梁僵伴雲鬢卧
閒殺南山看射人

艾人

靈叢作俑徧江村風裏身輕燕蹴翻驅鬼一車誰見得
五絲抽出繫當門

花毬

戎菴如火欲燒空千朶縫懸輓午風好是羊燈堆綵絹
半勾雌蝶半雄蠶

蒲劒

一握青蛇淬水清
泱雲中斷躍延平
長蛟斬了南塘靜
惜取霜鐔掣海鯨

題南田畫梅為湯母壽

畫荻丰規咏絮才
韶華八袞老顏開
藐姑冰雪原難畫
勾取霜空一本梅

小舟

小舟如葉弄煙霞
遠渡深溪近淺沙
雨送春帆過酒舍
雪痕寒笠樣漁家
迴橋荷蓋捎蓬筍
柔櫓機聲軋浪花
門外菰蒲三萬頃
月高風起任橫斜

靈巖十首

紅葉的的葉田田
水殿銷魂唱采蓮
索寞翫花池畔柳

一絲絲曳夕陽煙

掠取金錢市上過
沿吳身手寄莊窠
採香涇路迢迢在
白鳥孤飛下綠波

金甃淒涼沁骨寒
香溪餘粉膩荒灘
至今宿葦霜飛夜
捉對鴛鴦不肯單

霧鬢生辜小燕釵
露珠不上冷弓鞬
亡王蔽面終留面
慚向吳妃問館娃

山巉鬱律占桐夢
天浣惱淫打梵鐘
三萬六千晴雪浪
白光遙浴莫釐峰

吳越循環角霸才
野花紅發舞衫灰
香林響屨風廊路
樵叟芒屨自去來

越網千絲最惱人，猶亭塚土劇酸辛。如何銷夏灣灣月，偷出金波照舞塵。

綺疏宮殿千春改，表裏河山百戰開。太息封書壺漏盡，水荇花朶泣琴臺。

鷓鴣夸單舸，不堪論艷色。人間幾報恩，地下游魂更無賴。千年猶自魅王軒。

釀酒城高亞字西，雨淋風卷越來溪。棲烏不省興亡恨，枯樹梢頭只管啼。

游滄浪亭呈漫堂先生

先生撫吳之三年，政成事簡人安全。行臺如水脫官樣，吏胥愁坐吳民眠。蔡閒窮搜山水窟，得句急灑羅紋箋。

就中滄浪愜幽賞，俸捐十萬青銅錢。縛亭翠阜築水室，山鷓叫破春谿煙。風風雨雨客屨屐，十十五五娃蹁躑。先生小隊時駐此，勿叱履錯從其便。我嘗考置石枰處，荒灣野水忘言旋。豈惟褰裳嗜異境，實亦斂衽欽前賢。伊昔黃州雪堂圯，先生一顧情拳拳。鳩工刻日迫修葺，小減鶴料增級甄。今來南園天乞與，灑埽祠宇肅豆籩。兩蘇勝蹟可對舉，身後奇遇皆前緣。畫屏作圖特細事，興起風雅千秋傳。

過茶山

糴稔千塍散野香，霜芒偷染夕陽黃。茶山舊是披裘路，悔不爲農老是鄉。

向日葵賦呈復園先生

畫譜金杯樣風流憶趙昌寸心惟自赤秋色妒他黃雨亦移傾影寒猶未斂房楸東朝日出風露澹生香

吳孟舉舍人寄湖筆分給紹聞姪

漏痕釵股嬾書裙阿買晴牕寫八分珍重生花醴陵筆改詩竄典共辛勤

次韻沈心齋先生二首

芸閣雙丁盡妙年沈詩凌轍十洲僊國恩思報憑椽筆鄉夢難禁上釣船四座離尊分白奈一簾舊雨薦紅鮮
虛煩青睞風埃外慚愧無成佃甫田
料峭西風不肯留半帆寒日白門秋如花楓落高低樹

殘雪蘆飄遠近洲健句多於林下得制麻會向石渠酬
何山山外蒼葭水未許詩翁把釣投

秋陰

寒色穿簾入陰繁換袷衣碧梧捎雷響紅雨隔溪飛脫
甲江螯脆披縣野雀肥坐吟眠亦得不爾過漁磯

雪次東坡書北臺壁韻二首

攪空投隙太輕纖白戰偏師號令嚴揉去繽紛疑碎米
搏成雕刻比形鹽怕經霜重封鴛瓦好趁風狂舞畫檐
欲和冰車慚膽怯枉將寒齒齧毫尖

爪印冥鴻項縮鴉河藏歸櫂岸停車夢回布被都成鐵
冷入篝燈暗著花吟鬪高才娛謝傅畫裘寒色卧袁家

詩翁擺落漁簑句別展枯蕉上玉叉

南田雪蕉圖
仿右丞也

題俠君秀楚草堂圖三首

柳邊深巷名鸚鵡池畔孤墳是妙巖坐愛圖中好風景
不教鴨背挂蒲帆

石作屏風枳作籬苦吟花底答黃鸝叢殘千卷元人集
借一瓶看換一瓶

徑轉紅橋記舊曾祭書泥飲試春燈槐花黃了驢鳴鐸
卷取橫圖詫北朋

送復園先生遊桐江二首

官河捉陣柳花風帆飽長空十石弓宿昔富春山水夢
逐君吹落釣壇東

泉稱十九碧油油茶煮鳩坑散客愁餉橘莫慳三百顆
夜霜紅到一千頭

正月十九夜夢與俠君游菖蒲潭梅花下得詩

二句云一月半月香山萬山白及覺暗香猶

浮動枕席也足成五言一章寄俠君

好花如好友樂共數晨夕况乃湖村梅高出凡艷格愛
之入骨髓自哂竟成癖黃昏倚冰壺燈影肖寒瘠蘧蘧
落燈風忽底彈山泊陰晴不分明孤賞寄煙液適接顧
虎頭速理上山屐榭笠穿空青梭鞵破層碧水邊枝纔
橫竹外蕾欲坼履霜光皚皚踏雪意脈脈一月半月香
千山萬山白祇攜野衲親未許女手摘綠章乞風姮無

使風槭槭再拜謝雨師并止雨繹繹風雨赦梅花庶免
怨狼籍匹逢絕代人不語心愛惜直緣擬議窮輒謂玉
妃謫喚起楊補之恐難貌姑射不圖濯明妝縞練薦枕
席願在山爲泥乞花葬魂魄曉雞嚶嚶鳴夢醒大不憚
暗香透衾裯翠袖一水隔因思菖蒲潭道咫尺易飛鳥賈
勇便恣遊相訂十日索梅花賢主人二子非惡客團鳳
傾七椀浮蛆進一石蜂聲海潮喧充替笙笛役是鄉信
溫柔送老得酣適不類夢羅浮短景受促迫詩成貽虎
頭噴飯笑啞啞

春暮懷亮功

漫空飛絮鬪輕盈亭午懷人夢不成記取江南春盡日

小樓愁聽賣花聲

贈張孝廉日容

十年讀高文前歲始識面迨今訪西塘迺恨晚相見刺
舟齊女門良辰撰文讌醜酒翻玉杯徵歌聽珠串有如
亡忌游十日蠲渴勸古道苦淪胥藉子溺得援天和淳
澆漓風義本悃悃春來了無痕獵蕙發峭蒨伸紙染霜
毫熾炭炙凍硯序我茶坪詩書及草堂卷敷柔舒絮雲
疾急噴匹練情深鬼亦泣筆健犀可割昌黎文章宗調
語動雷電金薤千萬篇獻貴出嗜賤聖人擢侍從子自
當論薦毋吟怨女詩心苦羞自銜我愧聲過情織素辱
題絹黽勉共歲寒報子以婉孌不見二之日氣寒釀飛

霰梅蕊香凝簷竹實色放茜

送楊青村之官新昌和留別詩用東坡韻二首

秋山螺青鴨綠水筠州屬縣宜豐美清風謾謾清於冰
所至可愛如君子亂山深處調絲桐流水聲中曳梭履
新詩脫手似彈丸曉牕和者楚雀耳泉明昔未徒柴桑
志傳此地其故里黜深猶有洗墨池池見使君應亦喜
編排陶集和從頭三峽倒流一彈指坡翁和陶涪翁評
今番冰雪誰評爾

慶雲纔出東華門甘雨旋灑西江村徵祥下瑞異芝產
土脈孔厚滋泉源春啼布穀秋促織勸農笑指老瓦盆
兔園細儒守章句詎識爲政有本根緬維觀察官潯陽

連影署閣懷弟昆君今雙鳧溯廬阜承先象取承乾坤
茶芽如旗早分餉兩世治行猶能言蔡興儻鼓廬阜櫂
埽榻遲我於東軒

秋村八聲

鴈聲

嘹唳銜蘆葉金河到曉牕叫空菰米少避冷塞門降哀
響毋訛乙孤鳴不趁雙平沙彈月落霜信逼寒缸

蛩聲

唧唧沈更漏幽幽送夕暉弔來寒夜永泣到曉霜飛雨
暗增閨怨燈銷引夢歸哀吟除架後暮雀繞柴扉

蟬聲

茶地詩鈔卷三
三
淒涼餐露咽寂歷抱枝鳴南陌離亭怨西風故國情村
空疎雨歇柳斷夕陽明脫作遊仙夢無須聒五更

葉聲

脫下秋枯樹琤然奏早寒露滋翻去濕風急捲來乾樵
過空山響僧歸古澗攢見人雙野鹿驚走碎琅玕

砧聲

衣到秋深擣音從夜靜繁杵催沈箭急石比卧鐘喧遠
戍驚羈夢寒閨寄斷魂塞垣聽得否空與驗霜痕

春聲

辛勤終一歲幸及碓喧初市白無歌雅閒廡有僦居急
教隨雨密緩令間鐘疎顧兔誠何利清光倚杵虛

紡車聲

哀音驚促織深爲少衣謀雪縷搖相引風輪轉不休響
停低戶月愁接曉燈秋香玉羅襦女生年聽此不

讀書聲

朝哦連夜諷金石出蓬茅子美傾蘇渙昌黎愛孟郊雛
鶯啼碧樹老鶴語空巢餘味胸中在聽完當手鈔

題畫雞冠花和芋莊韻四首

五德誰先妒敵雞畫圖勻染最迷離磔毛痒痠深秋斂
引吭玲瓏向曉啼龍護紅雲誰喚起鶴搖丹頂自卑棲
崢嶸盛氣消磨盡翼塌頭垂作意低

陸離芳佩岌高冠左臂無端化羽翰臍膊聲銷圓旅夢

續翻錦碎簇花團報籌紫禁重樓曉解縛空江小閣寒
養去可曾如木未直須親到紀家看

仙子頭銜署祝雞千羣鮮彩目中迷尸鄉若已升天去
茅店何從帶月啼擬古名人描粉本感時思婦賦時栖

賞他補得東籬菊莫為愁眉貶格低俗稱雞冠為愁眉花
苔封金距鷓為冠旬始芒懸狀短翰露野連軒凌紫爛

霜空孤立傲黃團憤憎亭外書生夢翼覆亭前狗乳寒
誰畫宗文浣花屋織籠樹柵漫加看

四月十九日集胡芋莊香草堂祀少陵先生用
顧仲瑛宴客楊維禎輩於浣花館聯句二十四

韻

晴日驗遨頭蜀人白首未見浣花日雨清歡不衷甲嵌石旒蘭荃武進胡香夏芋莊

白瓮響茗霽聲縣書則擁金壇潘玠長卿膝容斗非狹坊認
碧雞行武進陳鍊道柔潭想金蓮插任氏浣衣生蓮事蕉濃薤簟鋪宛平

方辰拱樞微弱湘籬夾拯世慨八廚武進董大倫鯨鑑人啓七匣
爽襟颭風諫永宣渴筆過雨霎文賢是誰雕香臭盟血何須

嘒晚笋媚青瓷玠早榴迎白衿杯承鶯語流鍊席換花
陰壓味輕牛炙心辰晷惜羊熟胛看平聲盤殘櫻存大倫添

釘新梅插說餅玉灣環永宣加飯珠淘畝相逢豈聚蚊興
到且塗箒香臭庭閒竹自籟徑深雲易溼沾脣弄藏彝玠

卸衫却圍珥約臂闢韻經撥鐙辨戈法鍊箋向枇杷搜
亭取滄浪呷蜀人是日傾城游宴少陵先生草堂之滄浪亭古調中散彈新謳李謨摩

茶坪詩鈔卷三
辰柳路不踉蹌風牀任勦齧今夕共婪杯來朝定飛札
大倫客毋蝨其筵藁必驢所笈平生厭陝輸至竟疎串狎
風雅會有歸麤彼葵丘歆永宣

茶坪詩鈔卷三

茶坪詩鈔卷四

武進 徐永宣 學人

西山雪晴集

擬唐人詩八首

陳正字子昂感遇

翡翠愛其羽山麝憐其香命侶竄幽谷結巢栖遐方一
朝不相保橫被羅茨作羽以光首飾香以盛錦囊剔香
紫臍裂鍛羽錦臆創無用乃獲福多材徒自戕感此長
太息憂思不能忘

李翰林白飲酒

嬌鳥嘯林杪春風款紫扉長歌飲美酒陶然卧忘機覺

來還自酌醉倒酬芳菲
小草妒袍青濃花點人衣
日影過蘿逕疎煙澹斜暉
繁香玉缸散破鏡凌空飛

王右丞維飯僧

解纓脫世網識道娛晚年
山僧遠相招與契無生緣
迢遙澗脣外葦渡輞水川
竹間飯菰米溪邊酌寒泉
夙悟空性樂永絕浮名牽
老鶴巢庭松似證談三禪

崔員外顥游俠

少壯盛意氣鬪雞兼探丸
忽焉事結束飛騎路千盤
珊瑚嵌珠勒黃金鍍錦鞍
旆旌風拉拉刁斗霜漫漫
戰勝宴軍伍紅燈影團圓
明朝復較獵結隊凌層巒
圍場逐奔獸箭下急雨攢
歸見山吐月光射雕弓寒

儲侍御光羲雜興

涼風日淒厲秋山愈偃蹇
田家自力作隴畝勤往返
夙先鳥雀興歸與羊牛晚
藁秸欣在場樂歲語繾綣
乘茲農事隙行賣南陽畚
采藥同幽人一道深林遠

王龍標昌齡塞上

一片沙磧黃山遠日欲暮
寒早多中人月白不成路
揚奢誇功高搔首歎奇數
痛哭望蕭關羈夢先飛度

孟襄陽浩然待友

暮山銜落日黃色漏疎竹
一痕野燒青千丈春潭綠
釣翁歸古渡昏雅上喬木
之子惠肯來相遲松門宿

韋左司應物寄舊

蕭條感涼至况此離憂積生煙澹寒綠獨鳥投遠碧豈
無盈尊酒誰慰風雨夕齋舍展單衾落葉鳴策策

白溝河

東市朝衣冰血寒鳥聲燐火共辛酸封章代死秋閨淚
滴在芎藭不肯乾

距白溝河十有五里為楊忠愍公墓燈下感觸於店壁書此

琉璃河

眯眼塵紅陌草薰霜橋平碧冷於雲羈人妒殺鴛鴦夢
夜夜雙圓護水紋

石湖詩琉璃河上看鴛鴦

盧溝橋

帽帚敲側袖籠鞭騰擲西山墮馬前北地春風太無力
雪晴猶積凍雲邊

庚辰二月十五日書號舍壁

活剝峰青結語書春司取舍定何如蟻蠶宿業消除了
喚箇江猿笑荷鋤

和魏禹平同年古豔詩十六首

月鈞

遠山低偃晚妝餘犀押簾櫳玉印梳悵望刀環消息斷
一彎爭解釣雙魚

虹梁

雨砌雲鋪落日遙海天鼉影暈紅潮若教長駕銀河畔
底事秋期遲鵲橋

梅魂

谷神山鬼護紫扉倩女三更化鶴歸夢裏冰霜無著莫
月明環珮是耶非

蝶夢

南朝金粉付風花槐國霜紈挂碧紗飛入羅浮香露冷
麻姑羣色不爭差

游絲

春煙醉軟細於絃偷裊襄機倦織邊誰繫晴空無氣力
不幫紅索絆鞦韆

花影

聞去香銷看少光陰亭卓午仄斜陽一番風雨真成妒
月黑無緣上畫廊

鶯梭

金縷千條擲羽輕漏殘春曉弄機聲可憐百轉無人會
枉著迴文淚織成

榆錢

點檢空囊底療貧河間姹女翠眉顰沈郎風莢多於貫
難送橋南卜遠人

柳絮

謝娘池閣影溫磨種性風流愛水村休笑飛花慵結子
楚江萍實也無根

水紋

玉溪詩思託南塘細熨紗痕研篔簹光青雀斜飛渾翦亂

遠塘平護兩鴛鴦

荷珠

鮫淚寒光照
蔡圓冷於魚目走田田
翠盤擎露風斜颭
瀉落難教雪縷穿

石筍

籜龍雲尾影
纖纖補得青天入鏡奩
小把春蔥青玉案
竹萌寒削肖柔尖

苻帶

柔縷何堪縮
別離愁牽皓腕碧參差
無言低背湔裙伴
私結同心瀝水滄

竹粉

湘碧纔聞解籜聲
淚調雲母白生生
梅妝那藉斑痕點
辜負輕勻一段情

燭淚

紗籠蠟鳳翦煙煤
紅閃西風炮作堆
為惜綠牕離別苦
未乾時節判心灰

冰花

煖簾溫窖半開殘
冷豔霜條凍玉攢
鏡裏抽身停繡看
改描新樣話消寒

天碧訂遊西山卧病不果往懼山靈之笑人也
詩以解之

春山如佳人
隔牆寄遐矚
千嶂千螺攢一塢
一綃束二

豎纏旅途苦繫游山足譬彼敵風車光華耀晴旭遠挹
噴近前蓄意彌不于江南渺何許鄉夢歟棖觸著履穿
雲端打槳轉溪曲園丁解人意走代花信囑鶯桃紅燒
丹燕筍青琢玉佐以陽羨茶蕉影泛新綠持此質山靈
毋俾笑人俗勝引俟良緣再訂秋杪續

題禹平水村第三圖二首

圖為梅孝廉耦長畫

都官墨妙仿倪迂渺渺風楊短短蘆不是潛悲太顛顛
底須三寫水村圖
鳳城春盡不還家開過村村枳殼花畫到鄉關今夜月
落曾聲裏櫓嘔啞

上新城先生四首

濟上發靈秀萬古崇詩城遊思越訓誥簸海濤長鯨別
裁激風雅擲地鏘金聲洛誦識根柢肝肺憑孤撐天機
藹相觸夜夢心怦怦春風起牙頰下士俄成名提唱本
書史天日同清明閒徵帶經事鋤雨圖春耕

看山繼潮陽唐宋儼彊對淵涵括滄溟屹峙揖泰岱微
公振元音孰與角行輩詩文燭無垠上暨六經妃小子
幼失業削梯轉慨悔何圖野繭絲謂可任藻繪譬諸焦
尾琴勝彼市上碎雷氏調宮商空巖答天籟

番山陳太史春校矜拔十公偕我先君珊網並羅及

乙未

會試先生偕先中丞為同門友

陳公涖勾吳倏訝朝露衰先君匍匐救淚漬

衫袖濕凡百謂緩圖撫孤乃至急抱寘吾母懷啼笑雜

呱泣鴈行視諸雛推就虞不及恩勤斯憫斯庶用早樹
立詎知螺贏巢忽變鴟鴞集公也念死生停杯幾恓悒
朱生人悔事三老朱竹垞宋漫堂新城王昨歲過長水日矚治
水航旋艫檝茂苑載酒凌滄浪蓬牕展唵卷捉筆書漁
洋先生前後所寄漫堂先生唵箋裝作
長卷命余題籤書漁洋唵卷四字獨恨公未識一日三迴腸雪
履計偕至衣以織女襄春風習習溫絳斗熊熊光離愁
甚含噦遲趣東歸裝

即事二首

天人經術愧迂疎日裏風中奏玉除略為蒼生陳疾苦
不禁流涕洛陽書
三遍句臚徹太清聽來都是別人名盧前王後何增損

贏得公卿歎息聲

扶風孝感沁州三相國錢唐冢宰崑山閣學阿掌院周
通參諸公俱謂予對策淵博進
呈時為某暗易置後
諸公見賓客輒為子太
息不已由是徧傳都下

紙鳶

風便兒曹送紙鳶休誇雞犬自昇僊尋思鬼磨無難事
不過焚渠一陌錢諺云有錢使
得鬼推磨

四月二日竹林僧舍小集朱悔人魏禹平查夏
重德尹潤木吳山崙汪武曹玉輪錢亮功張日
容方拱樞家大臨天碧同用昌黎短燈檠歌韻

遙山濃畫浮看長宿雨霏沐繁花光殷紅萬片火傘炙
孰扇熱惱延空涼三春堂堂背人去綠陰蒨蒨敷僧牀
此時作客尤愛客生衣典酒誠上策酒徒詩思湧若泉

汗漫交通追甫白念當翦翅雕籠前苦吟未必勝醉眠
醉裏狂言轉奇恣老樹蒼然斂青翠燒燈江調歌越謠
車笠相逢不相棄

附和詩

嘉善魏坤禹平

斜街西去一徑長侵曉雨歇開晴光輕塵不飛屐易
踏古寺蔭借青槐涼主人未返乍闌入但見散帙堆
書牀酒徒紛紛半歸客擬整篋書袖短策鄉園竚盼
梅子黃驛路先披柳綿白雲沙蹤跡判眼前容我且
伴閒鷗眠老懷自笑成放恣願埽新螺鏡邊翠愛君
得句皆天真那忍語離輕撥棄

海寧查慎行夏重

青天不如歸路長白日不如燈燭光清談一洗煩惱
毒快比灌頂醍醐涼城西古寺竹林側綠陰正落鄰
僧牀我今已是無家客芒屨一雙輕策策故人猶復
念窮途招向花間浮大白不辭醉倒慰眼前我醉欲
借閒房眠醉中得詩尤縱恣夢入鄉山吸空翠長安
齷齪胡可居直戀貧交未能棄

長洲吳廷楨山崙

短繩不繫白日長行路按劒驚夜光騎驢京國問何
事仰首一笑天蒼涼入門振衣就君飲意氣高據元
龍牀眼中半是湖海客夢繞菰蘆風策策却來同醉
燕市酒濡髮深杯卷波白有身且復鬪尊前萬事畢

竟輸酣眠高譚往復轉奇恣斜日墻陰古苔翠寺樓
吟眺西山橫一緬芒屨未應棄

武進 錢名世 亮功

七襄雲錦縹絲長百金寶劍淬水光少年得意正如

此又如快馬騰秋涼兩生並指共樞同日掇高第行卷百軸

猶堆牀招邀朋好忘主客元稹玉輪在座劉蕡俱有策拚飛

雲路好紆朱寂寞草亭甘尚白合尊促坐繁花前玉

鉸酒盡同醉眠老饕大嚼殊放恣陸磬駝峰水珠翠

越王之膾良可嗟當筵半食還半棄

海寧 查嗣庭 潤木

才華且勿較短長布衣先覺無輝光耳之所聞目所

見難避熏炙求清涼猛拏縮爪受笑侮謾罵敢據巖
公牀軟紅十丈來作客彈鋏思魚真失策聲名未蒙
先達問腰已成弓頭欲白何來好友招我前為埽僧
榻容高眠淋漓詩酒出狂恣頓豁浮塵洗空翠青鞵
布鞵去未能幸勿相逢即遐棄

宜興 徐 瑤 天碧

方徐筆健誰短長莫難雙顆騰夜光平明並赴曲江
宴歸來坐愛槐陰涼閒搜齊諧作談助夜半翦燭還
連牀我今甘為倦游客治安一任公等策功名定許
付汗青文字祇須防曳白何論王後與盧前拉卿且
向酒家眠醉歌一曲轉奇恣秀句欲摘西山翠眼前

得失世所爭身外榮枯吾亦棄

附 遙和詩

武進 董大倫 叔魚

短檠短檠一尺長夜深焰作孤螢光寒簷照盡讀書
子蟲語唧唧參悲涼天明形影暫隔絕猶見燈花遺
筆牀怪君已作蓬萊客盤馬天街整歸策開書兀坐
舊黃昏短檠仍接東方白我今頽情秋風前棲烏呬
啞促晚眠嗒然一龕聊自恣古佛燈深耿寒翠吁嗟
世事大不然牆角看余短檠棄

懷漫堂先生

半壁東南地窮眈命倚全風扇千塢雪雨膏一江煙淮
右哀鴻集湖村雉雉翔辛勤催鬢白深荷九重憐

幾晦滄浪水清光翦太湖雜花糝錦石涼月澹交蘆賓
從如前否郎君已到無薛收行侍側攬入學詩圖

疊用短燈檠歌韻答亮功同年

尺短那得比寸長月沒那得勝燭光嫁來未久成去婦
石闕銜口嗟虛涼相逢老女淚如瀉擁背夢醒雙搥牀
我因羞作高唐客不是呈身竟無策終當輸汝未適人
猶得于歸共頭白我拚謠詠弗近前惱他女伴憐單眠
汝行即貴休自恣毋嫉承恩飾珠翠六親曾語鄰舍娘
埽着人泣前魚棄

附 贈詩

錢名世

扶牀小姑如我長屋壁每分宵燭光花車出嫁我被

茶地詩鈔卷四
斥一門姻黨生炎涼小姑雖嫁不稱意羅幃繡被嗟
空牀我爲汝歌歌主客將身許人本無策東西食宿
儻自由直要烏頭變成白勸汝不如椎髻前操作井
臼無安眠我因斥遣却驕恣摒擋裳衣拆鈿翠請看
滿眼如花人保無團扇秋風棄

夏五東歸留別同學諸子末章呈新城先生

折得春明柳欲枯笛聲曾入落梅無舊書風卷辭花市
殘墨雲濃潑餅壚骨性向來憐太傲池亭此去署爲愚
貧交若箇真傷別半是詩人半酒徒

破曉曾看閶闔開玉除金闕淨飛埃驚從豹尾班前過
賸惹龍涎袖底迴仙草定依蓬島活寒花應傍竹籬栽

襄陽已悟前身是肯擬陳王枉自媒

耦耕已過浸秧時飲罷蒼茫獨詠詩西笑浪隨風裏絮
南飛又繞月中枝龍文拋作春三夢驢券寧愆夏五期
猶恐草堂後與鶴怨吾歸比岫雲遲

孟郊南去馬寒鳴猶有昌黎慰不平三宿桑陰愁話別

一旬梅雨似留行

記新城先生
手帖中語

蠹魚卷軸千秋在烏鳥窠巢

五畝營到日小園兄弟好板輿花底御新晴

宿泰安州書杜集望嶽詩後

望嶽五字詩巉絕窮躋攀杜陵老子久不死昏曉馭氣
游其間白華無文等魯鼓黃鶴有句扃秦關淵才雅思
長慶集擬古未肯吟巫山

塗中東同年魏魯峰查德尹勵令式方共樞汪
玉輪年亮工王枚孫史倣弦家大臨

熟梅天氣悶如醒旅夢惺惚近五更鶴背雲容迷去住
馬頭山色畫陰晴不知自我行長路更有何人賦短檠
膚汗金門諸供奉晚涼輸與豆花棚

郟城道中爲風雨所阻書行店壁

昨暮臨沂河水漲買舟渡平明結伴走忽作五里霧脫
壞雲奔濤天瓢灑飛雨初時濕荒煙少選浸枯樹驛道
失高低氣候淆蚤暮旱乾喜雨吟淫潦愁霖賦同然被
天澤憂樂若異互嗟我行役人書囊盡泥汙豈如艷春
花卒致風雨妒思慰倚閭望破此兩芒屨歸心急於弩

乃反多錯誤望望茅店門信驢入門住不羨羣小兒疾
走逐風絮或者破壁龍夜半瘳雲去

題宋山言同年學詩圖

綿津詩律切雲霄針繡鴛鴦度緯蕭聞道杜陵宗武好
可曾傳寫浣花橋

花事關心鄧尉東全家酬唱答春風歸來閑倚匡牀坐
翠竹斜穿夕照紅

桐陰蕉影綠遮天詩話煩君續續編此後蘇門香一瓣
便須親致小斜川

漫堂先生新雕施注蘇詩竟臘月十九日坡翁
生朝懸李伯時所畫笠屐圖於小滄浪率同學

諸子致祭先期遣部將具舟邀予詣使院賦詩
紀事至中塗夜半為冰合所阻因呈長句一首
遙遙景祐六百載西陂直接東坡翁嘉泰注本刊愈好
龍眠畫圖傳最工門下秦黃爭壁壘庭前過邁相磨礮
江東孺子賦命薄辜負滕王閣外風

宋建中靖國辛巳七月二十八日東坡先生歿
於常州孫氏寓館距今辛巳六百年矣故蹟尚
有存者乃邀同學諸子於是日肇祀先生用着
山二字紀事二首又賦洗硯池追悼香海棠歌
庶不令遺事即于無聞也

鍛羽南還匝月枝文殊問疾倍支離夢縈竹屋吟秋樹
心繞觚稜泣雨葵已分孤臣傷骨鯁可禁衆女嫉蛾眉
憐才只有宣仁語千載追尋五夜悲
白雲深處碧波環詩讖無端落此間貧嫗券焚遺屋在
荒祠霜冷野花殷魂歸月黑疑儋海鷗沒天低憶故山
直接岷江溪水是瓣香裊裊淚潺潺

洗硯池

屋西洗硯池水石千年寒不知始何年截取青巒屹猛
哉匠石氏盡力為剗剗廣僅三尺奇高故並藥欄質從
朴夫朴品比端人端春波綠堪染側漾竹數竿秋紋淨
於冰倒浸月一丸象離虛其中習坎洄厥湍當時玉局
翁龍尾裹綺紈貪潑莘老墨愛彈管城冠硯生嶺外雲

池卷紫海瀾得毋蛟龍潛光怪發夜闌儵魚恣游泳何
啻濠梁寬五百時藕枝花葉濯錦攢泥滓盡脫落松心
汁爲餐賸瀋雨餘溢還漑湘江蘭好事曷弗攫移置三
牛難君看平泉石帚褶多摧殘硯池卧雲溪乃以頑自
完齊物物不齊喟焉起長歎

追悼香海棠歌

蜀花花種來江東不白鬪李爭桃紅天教鴻鵠銜子到
萬里遠伴東坡翁坡翁去今六百載卅年之前樹猶在
青城白雲呼翁歸香魂冉冉疑追妃緣慳無分拗仙葩
枉然擲擲西鄰家小溪夕照人影亂故老三兩交驚誇
春蘭秋菊競秀發菁華涼薄旋消歇此花空谷倍嫣然

四時長似春三月夢游恍入芙蓉城翠屏珠箔千娉婷
風顛煙軟香細細酒潮燈暈光冥冥鶻啼怕染冬青血
燕泥愁汗臙脂雪定惠無人悵獨吟柯丘有句從誰說
無端劫火爲花讎斷腸夜壑追亡舟蜂愁蝶怨銷不得
五更怪鳥聲啾啾我聞斯語重太息直欲窮搜衆香國
亂灑猩紅碎錦鮮遠捎魚尾殘霞色青鬢堆雪峨眉長
海南不寄梅檀香魂招坡翁或來格海棠魂返墮渺茫
江南山塘號花藪七七能教再開否爇香重祀主林神
月兔團茶真一酒

辛巳除夕用東坡除夜野宿常州城外韻二首

水落寒塘露釣磯暮煙樓閣夕陽微排空旅鴈連聲過

得食昏雅接翅歸錢起雪中鄉夢杳遲亮功不歸汪倫日下報

書稀得玉輪字未答燈花也解懷人意煨芋盆爐影相去聲依

金戈難挽日將徂快馬奔騰赴坦途柏葉煙光喧竹爆

梅花香影上桃符嬉春韻險頻僂指別歲吟成欲斷鬚

痛惜董生呼不起更無綺語和顛蘇悼叔魚

茶坪詩鈔卷四

茶坪詩鈔卷五

武進 徐永宣 學人

山樵水漁集

慧慶僧房雪中聯句三首

柏

寺門柏二株華亭高不騫槎客老幹等鐵石我來七月留秀水朱彝尊

尊竹垞蒼翠陰日夕今晨啓牕牖永宣忽訝冷光射漫天雲

萬里到地雪一尺不騫庶物齊癡肥彝尊此樹獨寒瘠疊葉

剝鏤青永宣交枝巧剔白盤拗挺雅又不騫瑟縮偃蛟脊根

封雪窖銀彝尊身曳全匹帛夫豈本性然永宣偶為造化役

空廊立移時不騫目眩肌瘃瘰牀頭倒餘醞彝尊相對且酣

適扁舟泛未能永宣悵望遠行客不騫

是日汪份張大受汪鈞公車北上欲送未果

玉蘭

雪後玉蘭樹彞尊二本何句停居然華林闢不騫甲鉢羅滿
庭雖無裂鼻香查照眼光瓏玲重重傳瑤粉彞尊寸寸排
銀釘有時風吹墮不騫素影逾娉婷交枝露綫雷查千苞
壓繩櫺色殺辛夸紫彞尊體變珊瑚青因憶虎丘北不騫
斜柯倚巖扃歲久呶其腹永宣吐萼猶豐馨此時更奇絕
彞尊寐興思開舲惟愁凍塗滑不騫况復密霰零不如雙樹
底永宣澹坐憐忪惺彞尊

山茶

海紅亦嘉樹永宣恰與小牕對十月已試花不騫娟娟良可

愛孤根託招提彞尊冷豔免簪佩曉起雪漸深永宣我心始
焉悔既慮苞蘖摧不騫兼恐顏色退孰知歲寒姿彞尊凜冽
性所耐譬蒙縞素衣永宣嫣然逞餘態画師貪此景不騫往
往入圖繪或描江梅並彞尊或取水仙配分明黃趙筆永宣
只少鶉雀隊寫生貌遜真不騫比調朔繼晦芳菲正有時
彞尊改歲游可再永宣

竹垞先生留宿楓橋慧慶寺夜話追悼陸文孫

陸與先生同里善音律
流寓常州卒於粵東

朔風號怒紙牕前憶舊僧房感逝川鄉曲公憐楊狗監
天涯吾悼李龜年雪深院落妻無絮葉擁階除突少煙
此夜楓青燈影黑鼓寒霜重不成眠

寒宵錄別詩

汪大武曹汪二右衡

家聲突過孔清江城受羣兒肉袒降小弟火攻先第一

文升編修丁丑會試第一人兩兄壁合更無雙三條蠟炬重簾暖百斛龍

文健筆扛若見東山須問訊謂玉輪修撰臚傳可記最高腔

張三日容

寒逼霜天五緯芒光分瓊宇七襄章鞞衫未到金門內

名姓先呼玉几旁爭說卧龍騰碧落喜看快馬驟康莊

所憂不為身家事此語知君定不忘日容上澤州相國書云執事知其歸有以自樂若其所憂

非止一身而已

曾大漢瞻

臘尾輕裝破凍行魚龍此際不勝情含毫秋隼停雲勢

落紙春蠶食葉聲三策人應三舍避五經文到五更成

江鄉戴勝鳴時節日午花磚聽嘒鶯

顧十一俠君

北雲南雪白差差幾番成行幾番遲大婦叮嚀兼小婦

舊詩編校到新詩三人昔已蒙天笑並指山齋日容五色今同遇

主司莫謂國書開學苦湜翱端合侍昌黎慕廬先生以宗伯兼掌院教習

蔣三揚孫

曾因射策侍金鑾五色雲端染玉餐二丈燄光占甲第

數車美譽滿長安暫拋複塢梅花夢旋試單衫柳汁寒

四月櫻桃丹井路總拚輸與小蠻看

壬午除夕次西林先生韻

豪氣全消那用除山南樵罷水西漁也知鑄鐵從頭錯
不肯言錢到底疎土脈春融微凍後天容夜炙薄酣初
燃萁插柏兒童事且趁松肪理舊書

癸未歲朝次韻

排門又見貼春正曲曲溪流過雨生歲祲不嫌敦儉朴
人才真喜荷裁成

座主韓城公新拜
江南學使之命

青回草甲千莖短香迸

梅椿一味清遙憶直廬同學輩

謂夏重
亮功

也隨諸老頌升平

題劉介于垂釣圖

酸風簸荒林冷翠漉層嶠離離撼平凝戢戢湊奔峭窄
峽束驚湍怒瀉極幼眇自非煉虛士架广未肯到如何

癡虎頭乃繪越石貌披圖窮根源感歎迭悲悼痛君先

君子喪亂迫純孝烽鏑促羽書父子隔音耗明發懷二

人鬱疾不可療奮猛溯九江霜雪甘所冒彷徨古廟檐

路藉杯琰導夢中記神語冥應赴默禱艱難訪石滌足

繭破窳突梯飈上高青下磴穿窳窳空村氣慘悽毒霧

匿殘照母氏忽相逢喜極淚翻倒索父父已亡血泣苦

雨激叶奉母昇櫬歸筮得墨食燥旅松茁栽蒔禪窟竭

灑埽桑瓜共丁籐償取萱花笑母沒不欲生遽遊道山

道大節亘古今韓碑兀崖隩

慕廬先生
為表墓

斯文永錫類喻者

等訓誥哀哉越石心潛德久益耀一身興七業

晉書劉殷
傳一門之

俱興內七業擇玉比珪瑁詩筆定驚人更上觀天巧廢講補白

華獨念寸草報恂愁坐蒸嵐桐結春耕帽嶺後月黑啼
山鬼雨濕嘯終身石滌思空下寒江釣

哭叔魚三首

豈料過長至翻悲病轉加無兒元九淚有女左思家岸
自銷魂柳簷仍索笑花梅坪吟賞處蛛網暗牕紗

藥分開府俸

商丘公頻年惠復藥

賻盡故人情土銜寒于社蒼頭媿

似醒號同花自悼詩與病相成悔祀睂山老攜君遡紫

清

叔魚祀蘇文忠詩成語余曰吾自號海棠顛今悼花得毋自悼耶不謂斯言竟成詩識

雙目無時瞑傷心為倚門雞鳴催短夢烏返欲黃昏風
折孤生竹霜敲半死萱嗇君豐母壽差慰九泉魂

中秋翫月用高青丘韻

中秋雨過露蔚藍亂雲濤捲開晴嵐一輪浴海碾空月
可許赤手天根探素娥宵窠桂華側風鬢霧鬢紛鬚鬢
吳剛領戶八萬二斧影飛鏡中邊涵萬年玉兔擣靈藥
白杵下上清光參自從盧韓奏閭闔蠹墓磔死誅恹貪
肚腹脫落盲眼淨印澈滄海凌巖嵌完完全盆挂穹碧
剗削牋訴詞誦誦至今月蝕詩兩首高閣鄴架餐書蟬
前年曾游石湖寺佛火剛上清涼龕龕中老僧類僵木
打鐘埽地休茆菴空庭風弄影搖動竹柏桂杉楸松楠
出門一笑放舟去爛銀萬點鎔江潭全身渾被月華裹
更裹千舸長橋南今秋卧病雲溪上意況懶過三眠蠶
緬思勝事託悵往香消茶歇心懷慙瓊樓高寒詞夢想

竹屋夜雨句性耽九秋慵著謝客屐四筵久罷康駢談
惟看兒女小牕下競覓芋栗分霜柑推牕翫月月未午
月與形影成朋三牽牛花梢露欲墜促織葉底煙猶含
嬋娟青女並耐冷鞭笞鸞鳳無停驂去秋今夕似昨夕
歲月若此人何堪不愁歲月去飄忽一事耿耿私心諳
吁嗟大東杼軸空織勞紅女耕丁男耕能餘粟織餘帛
對月飲水皆香甜鮑陽卧瓮捉畢卓蠟板歌曲追何戡
皇天於人至仁厚月所照及恩應覃尊前喚起盧與韓
重咏完月毋辭酣更須一酌廣寒桂莫放黃雪飄毳毳
掃空陣馬倒風檣投地皈依大令王苦笑長文太無識

贈賀紫蘅七絕句

退來能品賀知章

朱長文進蘇子美於
妙退賀知章於能

短長肥瘦從人學點豎橫挑許自知瘞鶴若非山谷祖

送書寧是雪堂師

子瞻書學
顏平原

襄陽言大自非夸倒算隋唐十八家試問季真南渡後
阿誰應減阿誰加

米海岳採隋唐至北宋書法得
十八家始於智永殿以襄陽

乳鉢書臨新雨後米團帖做晚晴時消磨一樹無情碧
蟬曳飛聲過別枝

寒冬怎解變春溫一筆從教四氣存季海不生文敏

趙董

死三真六草費評論

字畫誰追北宋前近來除是惲南田溪東老屋斜陽裏
一滴殘脂染杜鵑

有幾詩篇短箋題香光亭子草萋萋東園老曠知何處
謝豹聲聲出井西

題雲溪草堂圖

圖為琴川
王石谷畫

一曲雲溪結草廬半房松石半莊書新來求友離城府
山脚樵翁水面漁

代耕春稅卧秋龕葵露香寒薺菜甘夢憶少年看射虎
拓弓盤馬在山南

峨眉遺蹟傍溪門洗硯方池皺碧痕誰倩司花憐蜀客

略施狡獪返香魂

草堂之西為東坡先生寓館今
洗硯池猶存而香海棠已萎矣

近寫溪聲撞老屋遠招山翠上屏風琴川閣筆琴絲絕
只欠南田染水洪

附題徐學人雲溪草堂圖

新城 王士禛 阮亭

冷煙殘雪白雲尖挂劍當年愧一縑為喜故人今有
子論詩寒夜笑掀顛

華嚴法界海天秋投老生還萬事休玉局硯池留滌
硯碧瀾平護古今愁

一片西風落照時秋懷愁織柳千絲衰年多少攀條
恨愛殺銷魂七字詩

秀水 朱彝尊 竹垞

烏目山人畫擅場新圖披豁稻魚鄉誰言七尺雲谿
卷不敵盧鴻舊草堂

菱葉荷花蓼草磯鶴巢深樹客來希主人且莫貪高

卧合試新涼柳汁衣

江城過雨不開雲百里洮湖一曲分比似玉河隄上
望柯亭劉井總輸君

名園幽絕苦吟偏許我招尋把釣船老去涪翁詩派
別流傳端合藉師川

商丘 宋 犖 漫堂

之子江東秀風流小杜齊人傳秋柳句家住白雲溪
鰕菜供調饌煙波入杖藜幾時共明月披豁草堂西

紅梅

豔蕊朝霞染芳根嫩日烘冷先文杏坼香豈餅桃同少
旖旎叢半酣潮陡上薄怒語難通睡起



PR

香案謫後先歸鄉關情好脫形迹自笑作釣師貪嬾漸
成癖愛君讀書堂花陰寸分惜文如洞庭波浸徹白雲
白氣如扶桑霞遠映赤城赤更上窮六經萬夫總辟易
不見井大春千載名籍籍

花下被酒戲柬文海

寒梅淒絕嫁東風妖豔花枝取次紅織素織縑紛過眼
較量新故者誰工

石梁仙路抱山斜三度桃溪起赤霞獨有一端怡悵事
兩郎先後衣蘆花

喜日容過草堂

乾鵲巡簷噪晚晴柳陰航影一溪清輸君善舞緣長袖

卧合試新涼柳汁衣

江城過雨不開雲百里洮湖一曲分比似玉河隄上
望柯亭劉井總輸君

名園幽絕苦吟偏許我招尋把釣船老去涪翁詩派
別流傳端合藉師川

商丘 宋 犖 漫堂

之子江東秀風流小杜齊人傳秋柳句家住白雲溪
鰕菜供調饌煙波入杖藜幾時共明月披豁草堂西

紅梅

豔蕊朝霞染芳根嫩日烘冷先文杏坼香豈餅桃同少
貶高寒格斜褰旖旎叢半酣潮陡上薄怒語難通睡起

香案謫後先歸鄉關情好脫形迹自笑作釣師貪嬾漸
成癖愛君讀書堂花陰寸分惜文如洞庭波浸徹白雲
白氣如扶桑霞遠映赤城赤更上窮六經萬夫總辟易
不見井大春千載名籍籍

花下被酒戲柬文海

寒梅淒絕嫁東風妖豔花枝取次紅織素織縑紛過眼
較量新故者誰工

石梁仙路抱山斜三度桃溪起赤霞獨有一端怡悵事
兩郎先後衣蘆花

喜日容過草堂

乾鵲巡簷噪晚晴柳陰航影一溪清輸君善舞緣長袖



原件短缺

P8

欠我愁吟是短檠庚辰首夏客京師僧舍與禹平夏重山崙亮功同用韓詩短燈檠歌韻日容將南歸未賦荷氣吸
浮盛酒盃松濤攬和煮茶聲秋堂儻作支硎夢日落山
村話耦耕

讀炎天冰雪集

老伴聯船渡浙東楓亭噉荔苦吟同峰留玉女題名並
舌齧西施琢句工失子可堪衰病後竹垞先生近喪文盍悼亡其奈
倦遊中查田不知造物真何意較甚時流忌兩翁

和西林先生九日韻四首

城居無計避喧豗眯眼塵紅埽不開附尾蠅能停足走
失時龍定捲鱗迴燃燈錯燒穿雲塔作賦慵登嘯月臺
閒上溪樓樓外望鴈羣連寫旅聲哀

課耕心語未全荒幾稜湖田幾本桑停屋鳩聲占久霽
奪窠雅背閃斜陽紡車響斷千村續稻把堆高十尺強
一幅秋原好圖畫夜吟寒絕月中霜

賺得高人海上遊颶風未許近瀛洲櫪間老驥心千里
砌下寒螿泣九秋旁竇鑽營餘鼠尾終南梯引盡獐頭
長宵太息人間世迸作無眠一段愁

高處登來興未高勞人草草歎徒勞膩脣又擘深秋蟹
題字依然去歲糕拔宅餘丹曾帶犬凌雲健筆定掀鰲
鵬飛六月無多息門掩黃花卧碧蒿

題同門陳秋田小照四首

聽秋圖

敗荷衰柳罨溪橋一著風聲倍次寥燈火經書兩親切
又憐鳴蟀雨瀟瀟

把卷圖

白石詞章全有為義山聲律半無題誰能嗜好酸鹹外
肯把詩書麴蘖齊

山莊春晚圖

江湖長老愛山莊春晚風兼舞絮狂魚麥就家如蔗好
鶯花佳日抵年長

寒林送遠圖

歸鳥戀巢投老樹寒林脫葉覆飛塵多情只有陳無已
目盡天低送遠人

雪用聚星堂韻禁體物語

猗飈獵獵吼枯葉黯黹鏢城作南雪堞驚縣布射冷光
策試簷窺雨清絕寒林亂曳帛匹封老柏疊壓霜皮折
山盤鳥道迷不分突冒炊煙濕將滅冰埋崖窵鷹戀窠
凍縮鋒稜懶飛掣遠岸村橋客聳肩殘燈紙閣人籠纈
排籤十指羔袖藏習習陰機怯恓屑爾時羸卧聽灑牕
歲事祇任鴻爪瞥豐年買舊驗齊謠耆稚鼻相遮說
生風一壑坐襜襜衣不似鎌衾不鐵

雪再次東坡韻

擘絮連天冷更纖侵爐無焰氣逾嚴罇中激灩浮酥酒
檻外消沈點水鹽亂舞平鋪荒草徑橫添飛凸矮茅簷

欺梅筵屑盲颺怒膏脈勾萌半天尖
銀鵝飛撲凍巢雅牢鎖雷車隱日車腥膽冷嘗茶煮味
割肌忍看樹粧花聯吟雅愛文僖幕低唱尤嗤太尉家
輸與襄陽詩思發幅巾驢背過三叉

附前題步韻

梅

穿細筵輕態劇纖紙牕冷境絕清嚴斲冰糝徑疑流
汞翦水飛空誤撒鹽寒逼黃紬籠宿火光分緇帙入
虛簷聚星堂上顙蘇客若箇吟情呖劍尖
玉妃狡獪匿金雅碎米紛紛載滿車剛喜龍公行小
雨忽看天女散空花披簑江上橫漁艇策蹇橋東過
酒家溪外寒松封黛頂一枝裝出玉丫叉

風迴六出舞廉纖匝地陰機列陣嚴貧訝銀鎔非雨
粟清憐茗戰却薑鹽豐滋宿麥薶荒塢斜壓寒梅亞
短簷小拓軒牕驚望眼遠山蒙絮沒青尖
老樹巢栖戢翅雅平填蹄道斷行車續紛屑下藍田
玉翦刻粧成蒼蔔花度曲溫磨圍錦帳聽牕悽冷在
山家龍門詩思濃於酒未用風前手八叉

雲尖詞和西林先生韻為句溪先生

螺髻微茫郭外山松茅小榭縛溪灣三竿紅日猶高枕
不管商庚疊款關

溪光亭是草予亭黃竹雙扉白日扃吟到夜闌詩愈穩
一天霜月冷孤翎

歌殘鳳子咏鷓兒未上書燈放學時不負賞音汪老鈍
左司格律右丞詩

麻皮劈斧鼠鬚描紅豆書莊破寂寥比似松圓應更好
濕雲如絮擁山腰

斗室蕭閒百念灰衝愁陣倒白瓷杯劇憐娘子香焚盡
爐火頻將棗核煨

離黃靜綠小牕遮低襯紅欄鬪晚霞閒向經箱尋舊畫
南田扇子石榴花

大椿千歲未為春不數投竿老渭濱龍馬精神姿海鶴
後山夫子始堪鄰

謂西林先生

杜曲從來推律細顏單一向說心麤柴桑不道門生嬾

拋却籃輿狎釣徒

亮功書至趣楊甥若游學詩因廣其語示若游
兼答亮功

師恩山岳重子雲愛侯生戚誼滄溟深摩詰憐蕭甥開
緘千里書中有萬古情趣子勤學詩譬彼農夫耕眼破
萬卷富筆洗纖塵櫻讀書焚舟計玩愒鮮有成工夫在
詩外是言信其誠嗟子幼失怙門戶愁支撐夜諷佐母
績燼落昏寒檠慈母復善病望子湍成名子矧具夙慧
插架牙籤盈昔誦文選賦三遍終兩京峰西閣名煮甜雪
春曉樓名啼嬌鶯淵源溯家集高逾鐵龍精步行奪生馬
赤手屠長鯨旗鼓建壁壘鏞鐘奏鏗鉤詩學厥父祖努

力崇家聲區區楊徽輩知遇奚足榮他時青出藍座令
予亭驚慎勿似舅懶欲惹人譏評

雜題南田翁畫冊十首

虞美人

楚帳矜腰細江花汙血妍似聞人彘塚燐火出荒煙
石榴花

異種塗林得燃枝若木生紫房秋半坼談笑遣三彭

櫻桃

沉網珊瑚碎堆盤火齊紅丹飛丸逐彈鸚鵡啄東風
荼蘼

著架煙絲軟分叢玉骨乾南園花事了夢雨餞春寒

新篁

兔根盤春泥長影落秋屋雨暗真宰愁裂石龍起陸
菜

澹泊謝吞腥豈爲愛惜費自古賢士夫日日知此味

牽牛花

裊裊輕藍影離離冷翠煙蔓捎秋水岸墮雨滴留船

橙

低攢疊葉遮遠挂連枝拗中酒擘霜黃香氣沁指爪

香椽

釀露煩萱婢登盤遲橘官折枝斜屈鐵風卷葉聲乾

佛手

一生豎指易措大舉拳勞幻作麻姑爪從人癢處搔

題祖問山寫照

茶煙風細落花深種種霜毛短脫簪不記開元紅豆曲
海濤空綠子春琴

歲暮次蘇詩韻三首

饋歲

吳中逼年殘問遺逮賓佐富家分歲收貧者資食貨人
情各輸將初不問細大絮語雜凍吟條風起僵卧堆橘
袖盈筐捉鵝鴨喧座長鬚往復還團團類驢磨比年糞
餽愆一節叢百過三復伐木章慚愧不敢和

別歲

少小戀嬉戲令節似故遲長大煎煩憂歲序如迫追追
及復速去宵然失津涯遠行送將歸瀟灑無停時作計
倚詩活古來乏多肥上座延五窮浪使韓公悲縛船與
結柳疊疊繁文辭不如飯青精顏色終無衰

守歲

牕隙吹野馬草間走驚蛇徂年倒流峽水聞不得遮義
和騁疾急駐景知亡何新舊遞無迹中豈容蹶譁爆竹
有時歇漏鼓無停撾風櫺炮樺燭晨光入簷斜歎息百
未就歲月行蹉跎回顧小兒女衰著相矜誇

茶坪詩鈔卷五

